

Sjöundi fundur stjórnar foreldrafélags Kelduskóla 5. febrúar 2014

Sjöundi fundur stjórnar foreldrafélags Kelduskóla fyrir skólaárið 2013-2014 var haldinn í Vík, miðvikudaginn 5. febrúar s.l. Fundur hófst kl. 19:30.

Mætt voru; Olga B. Gísladóttir, Haraldur Rafn Ingvason, Ásta Herdís Hall, Sigríður Hálfðánardóttir, Kristín Valsdóttir og Kristín Lóa Ólafsdóttir.

Samfoksfundur

Sigríður Ingvarsdóttir og Kristín Valsdóttir mættu fyrir hönd stjórnar á fund hjá SAMFOK þann 30. janúar sl. Þar var kynnt námskeið sem haldið verður 13. febrúar nk. í Gufunesbæ þar sem saman koma fulltrúar úr stjórnnum foreldrafélaga og skólaráðum grunnskóla í Grafarvogi og á Kjalarnesi. Á námskeiðinu verður farið yfir nýju menntalögin, hlutverk foreldra skv. þeim og hvernig byggja má upp samstarf innan skóla og hverfa. Talað um að fyrir hvern skóla mæti 8-10 manns.

Á fundi SAMFOKS var einnig rætt, m.a. um að bæta þyrfti almennt samstarf skólaráðsfulltrúa við bekkjarfulltrúa. Í Kelduskóla er þetta ekki vandamál, ekki síst vegna þess að þar er formaður foreldrafélagsins í skólaráði og getur þannig miðlað því sem fram kemur á skólaráðsfundum bæði til stjórnar foreldrafélagsins og á fulltrúaráðsfundum. Skólastjóri kemur einnig inn á fundi stjórnar foreldrafélagsins og fulltrúaráðs.

Strætósamgöngur í hverfinu

Formaður, fyrir hönd stjórnar foreldrafélags Kelduskóla sendi þann 20. janúar sl., bréf til Strætó til að mótmæla breytingu á akstursleið 6 sem hamlar nemendum Korpu að komast á æfingar í Egilshöll. Afrit var sent á skólastjóra Kelduskóla, forstöðumann frístundaheimilis Kelduskóla Korpu og Íþróttafélagið Fjölni. Í tölvupósti. Þann 29. janúar sendi formaður ítrekun með ósk um farsæla lausn á málinu. Ekki hefur enn fengist svar við erindinu og verður því næsta skref að koma þessu máli á framfæri í fjölmiðlum.

SAFT námskeið

Enn hefur ekki fengist svar frá Reykjavíkurborg vegna umsóknar foreldrafélagsins um styrk vegna SAFT námskeiðs. Stefnt er að því að panta fræðslunámskeið fyrir nemendur og forráðamenn óháð því hvort svar um styrk komi eða ekki. Þetta yrði gert í samstarfi við skólann þannig að skólinn sjái um það sem snýr að nemendum og foreldrafélagið það sem snýr að foreldrum. Á síðasta skólaráðsfundi kom fram að nemendaráð hefur mikinn áhuga á að haldið verði einhvers konar forvarnarnámskeið. Ánægja var með námskeiði sl. vetur um kynfræðslu þar sem bæði forráðamenn og nemendur komu að námskeiði. Nú er stefnt að svipuðu varðandi tölvunotkun.

Önnur mál

Frístundavagninn

Rætt um að frístundavagn sem yrði á vegum Fjölnis ætti í raun að leysa þennan vanda sem upp er kominn varðandi akstur milli skóla og Íþróttaiðkunar hjá Fjölni. Gott væri að foreldrafélögin í Grafarvogi myndu ræða þetta sín á milli og reyna að beita sameiginlegum þrýstingi í þessu máli.

Fundi slitið kl. 20:00.